त्म स्मरत स्वयमेव ही, बन्धन सब खुल जाहिं। छिनमें ते संपति लहैं, चिंता भय विनसाहिं।।४६।। महामत्त गजराज और मृगराज दवानल। फणपति रण परचंड नीर-निधि रोग महाबल।। बन्धन ये भय आठ डरपकर मानों नाशै। तुम सुमरत छिनमाहिं अभय थानक परकाशै।। इस अपार संसार में, शरन नाहिं प्रभु कोय। यातैं तुम पद-भक्त को, भक्ति सहाई होय।।४७।। यह गुनमाल विशाल नाथ तुम गुनन सँवारी। विविध-वर्णमय-पुहुप गूँथ मैं भिक्त विथारी।। जे नर पहिरे कंठ भावना मन में भावैं। 'मानतुंग' ते निजाधीन-शिव-लछमी पावैं।। भाषा भक्तामर कियो, 'हेमराज' हित हेत। जे नर पढ़ें स्भावसों, ते पावैं शिव-खेत।।४८।। (दोहा)

दया दान पूजा शील पूँजी सों अजानपने,
जितनी ही तू अनादि काल में कमायगो।
तेरे बिन विवेक की कमाई न रहे हाथ,
भेद-ज्ञान बिना एक समय में गमायगो।।
अमल अखंडित स्वरूप शुद्ध चिदानन्द,
याके वणिज माहिं एक समय जो रमायगो।
मेरी समझ मान जीव अपने प्रताप आप,
एक समय की कमाई तू अनन्त काल खायगो।।